

1 Yakita kakulla wunal la pipatin ta piriwal koba Tiberio Kaithar koba, kobana noa Pontio Pilato Iudaia ka, gatun tetrák noa Herod Galilaia ka, gatun gikoúmba kóti Pilip tetrák noa Ituréa ka, gatun yantin tako Trakoniti ka, gatun Luthanio tetrák noa Abiléné ka, **2** Annath gatun Kaiapath hieru piriwal bula kakulla, wiyellikanne Eloi koba uwa Ioanne kinko bon, yinal Dhakaría koba, korug kaba. **3** Gatun noa uwa yantin toa purrai toa Ioradan toa, wiyelliela korimulliko kanumaiko, warekulliko yarakai; **4** Yanti wupaitoara biblion ka wiyellikanne Ethaia koba propet koba, giakai, Pullí wakal koba wiyelléun korug kaba, Yapug Yehóa koba murrarag umulla nura, tuloa kakillikoyapug gikoúmba.